

Азаматтық қорғаныс бойынша қалаларды - топтарға, ұйымдарды санаттарға жатқызу ережесі мен өлшемін бекіту туралы

Күшін жойған

Қазақстан Республикасы Үкіметінің 2005 жылғы 22 қыркүйектегі N 942 Қаулысы . Күші жойылды - Қазақстан Республикасы Үкіметінің 2015 жылғы 2 сәуірдегі № 173 қаулысымен

Ескерту. Күші жойылды - ҚР Үкіметінің 02.04.2015 № 173 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

"Азаматтық қорғаныс туралы" Қазақстан Республикасының 1997 жылғы 7 мамырдағы Заңын іске асыру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Азаматтық қорғаныс бойынша қалаларды - топтарға, ұйымдарды санаттарға жатқызу ережесі мен өлшемі бекітілсін.

2. "Қазақстан Республикасының "Азаматтық қорғаныс туралы" Заңын іске асыру жөніндегі шаралар туралы" Қазақстан Республикасы Үкіметінің 1998 жылғы 31 желтоқсандағы N 1369 қаулысының (Қазақстан Республикасының ПҮКЖ-ы, 1998 ж., N 50, 467-құжат) күші жойылды деп танылсын.

3. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі

Қ а з а қ с т а н

Р е с п у б л и к а с ы

Ү к і м е т і н і ң

2 0 0 5

ж ы л ғ ы

2 2

қ ы р к ү й е к т е г і

N

9 4 2

қ а у л ы с ы м е н

бекітілген

Азаматтық қорғаныс бойынша қалаларды топтарға, ұйымдарды санаттарға жатқызу ережесі мен өлшемі

1. Осы Ереже азаматтық қорғаныс бойынша қалаларды - топтарға, ұйымдарды санаттарға жатқызудың тәртібі мен өлшемін айқындайды.

2. Азаматтық қорғаныс бойынша қалаларды - топтарға, ұйымдарды санаттарға жатқызу мемлекеттік, қорғаныстық маңызына және халықтың тыныс-тіршілігін қамтамасыз етуіне қарай азаматтық қорғаныс іс-шараларын кешенді және сараланған түрде жүргізу мақсатында жүзеге асырылады.

3. Азаматтық қорғаныс бойынша орындалатын міндеттерінің көлеміне қарай қалалар үшін мынадай топтар айқындалады: ерекше, бірінші, екінші және үшінші.

Қалаларды топтарға жатқызу мынадай өлшем бойынша белгіленеді:

1) ерекше топқа республикалық маңызы бар қала мен астана жатады;

2) бірінші топқа:

халқының саны миллион адам және одан астам;

халқының саны 500 мың адам және одан астам, аумағында кемінде аса маңызды санаттағы үш ұйым немесе 50-ден астам санаттандырылған ұйымдар орналасқан;

қала халқының не аумағының 50 пайыздан астамы жаһандық немесе өңірлік ауқымдағы ықтимал төтенше жағдайлар аймағына енетін қалалар жатады;

3) екінші топқа:

халқының саны 500 мың адам және одан астам;

халқының саны 250 мың адамнан 500 мың адамға дейін, аумағында кемінде аса маңызды санаттағы екі ұйым не 20-дан астам санаттандырылған ұйымдар орналасқан;

қала халқының не аумағының 30-дан 50 пайызға дейін жаһандық немесе өңірлік ауқымдағы ықтимал төтенше жағдайлар аймағына енетін қалалар жатады;

4) үшінші топқа:

халқының саны 250 мың адамнан 500 мың адамға дейін;

халқының саны 10 мың адамнан 250 мың адамға дейін, аумағында кемінде аса маңызды санаттағы бір ұйым не екеуден астам санаттандырылған ұйымдар орналасқан;

қала халқының не аумағының 30 пайыздан кемі жаһандық немесе өңірлік ауқымдағы ықтимал төтенше жағдайлар аймағына енетін қалалар жатады.

4. Ұйымдар үшін әлеуетті қауіптілігіне, әлеуметтік-экономикалық зардаптарының шамасына, ықтимал төтенше жағдайларға қарай азаматтық қорғаныс бойынша мынадай санаттар айқындалады: аса маңызды және санаттандырылған.

Ұйымдарды санаттарға жатқызу мынадай өлшем бойынша айқындалады:

1) аса маңызды санатқа аумағында жұмыс істеуінің бұзылуы ұлттық қауіпсіздікке қатер төндіретін және төтенше жағдайдың туындау қаупін тудыратын стратегиялық объектілер орналасқан ұйымдар жатады;

2) санаттандырылғандарға жұмыс істеуінің бұзылуы едәуір әлеуметтік-экономикалық зардаптарға, өңірлік және жергілікті ауқымдағы төтенше жағдайлардың туындауына әкелуі мүмкін мынадай ұйымдар жатады:

аса маңызды мемлекеттік объектілер;

өнеркәсіптің, көлік-коммуникация кешенінің, энергетиканың, байланыстың жұмыс істеп тұрған, салынып жатқан, қайта жаңартылатын және жобаланатын қауіпті өндірістік объектілері бар әрі маңызды мемлекеттік және экономикалық мәні бар ұйымдар ;

тізбесін Қазақстан Республикасының Үкіметі бекіткен уларды шығарумен, қайта өңдеумен, тасымалдаумен, сатып алумен, сақтаумен, сатумен, пайдаланумен және жоюмен айналысатын ұйымдар;
аумағында тыныс-тіршілікті қамтамасыз ету объектілері орналасқан ұйымдар .

Ескерту. 4-тармаққа өзгерту енгізілді - ҚР Үкіметінің 2008.11.18 N 1068 Қаулысымен.

5. Ұйым азаматтық қорғаныс бойынша санатқа жатқызылған ұйыммен бір өндірістік аумақта орналасқан кезде ол дәл сол санатқа теңестіріледі.

6. Облыстардың (республикалық маңызы бар қаланың, астананың) жергілікті атқарушы органдары табиғи және техногендік сипаттағы төтенше жағдайлар саласындағы уәкілетті органның аумақтық органдарымен бірлесіп, жыл сайын азаматтық қорғаныс бойынша қалаларды топтарға, ұйымдарды санаттарға жатқызу жөніндегі ұсыныстарды дайындайды және табиғи және техногендік сипаттағы төтенше жағдайлар саласындағы уәкілетті органға бекіту үшін жібереді .

Ескерту. 6-тармақ жаңа редакцияда - ҚР Үкіметінің 03.10.2013 N 1048 қаулысымен (алғашқы ресми жарияланғанынан кейін күнтізбелік он күн өткен соң қолданысқа енгізіледі).